



„დემერტი, სამშობლო მიცოცხლე, მძინარეც ამას ვდუდუნებ!“

კავკასია

Kavkasia

პროგრული, ლიტერატურული და საზოგადოებრივ-პოლიტიკური გაზეთი №1-2 (77-78) იანვარი-თებერვალი 2015 წელი ფასი 1 ლარი



ერაკლე ტრიპოლსკი: „დავუბატომა უდიდესი პასუხისმგებლობა“

„ჭუთის ბილიკებს ვაღვიძებ!“ 83.6

უზენო ბანთიაღვით... 83.5

მურთაზ არაგული

ბარისასოკან

ცისპირტენაა. ნისლი ბარბაციო აეტოტაგა, აჰყვა ამაყ მთებს. ჰე-ჰეი, ნისლო, მისგალ სადამდის, აი ეს მთები გადამატარე! ფენდაფენ მომდეკს ჩემი ანრდილი, აგჩქარდები და ფეთიანდება. ჩუმი აღერსით ვიცი ამ დილით გზა დამილოცა დედის თვალეგმა. შეგხედავ საღებს, გარდავიქმნები, დაგაყურადებ არაგვის ბუბუნს, თითია, კოლა, ბიძა-შენები, ვიცი მელიან ამ დღის მიწურულს. გჩქარობ და ამ გზას ვეღარ გახანებ, გველეხის ჭალას ავცდები როდის, ჩამისაფრდება ტიალი ღამე და არ მიმიშვებს ბარისასომდის. გონება: მაინც უნდა იარო! თუნდა გაგინდეს ღამე მისისხლედე! გული: იარე, ადამიანო! იქნებ გზა-ჭალას მაინც მოგცილდეთ!



პირიქითა ხევსურეთი, ხახაბო.

«მერე... რა ჩაიქვია თოვანი»...

ეს წერილი დიდი ხანია, რაც რედაქციაში მომწოდია ხევსურეთის კაი ყმაბ, გოგი ჭინჭარაულმა და გაურკვეველ ვითარებაში დაგკარგე. სასწაულად, სულ ახლახანს ვიპოვე და გთავაზობთ...

უკვე დიდი-ხანია, რაც ხევსურეთში ესეთა ყროლი (ხევს. ცული) ზამთარი არ ყოფილა.

ვერ იყვა-და ისეთა ყინვებ დაიჭირა, რო სიცივით ქვა ტყვებოდა. 20-25 გრადუსს უწვენებდის თერმომეტრი. შიგათი თუ გარეთი დააზრო და გააკლდევა ყველაფერი. არაგვი და პატარა წყლებ-ხო ნიაღვე ყინულის ვაგვმან-ბეთით შემოსა – აღარ ჩანდა, სად ხმელეთი იყო და სად – წყალნი. ყინვარებშუა ნაკადულივითა მიძვრებოდა არაგვი. ზოგჯერ შიშის ზარის მცემელი, ახლა ბაღღების სამასხარაო გამხდარიყო – ზედ გადიგამოდი თავისუფლად შეიძლება. ერთ თვემდე გასტანა ყინვებმა. ხან დაიკლის, ხანაც – მოიმატის.

მერე... რო ჩამოდგეს თოვანი, სამ დღეს აღარ გაუღარებავ – გაბმით თოვდა. სახლები ძლივსა ჩნდეს თოვლში. ერთმანეთ-თან მისასვლელი გზის გახვეტას ძლივ გასწრებდით. საქონელს ვეღარ ვაწყლევედით, წყლის დაღვივებზე ჩაიკეტა სამანქანე გზა, დაზიანდა ელექტროსახეები, მოვსწყდით სამყაროს. კიდევ კარგი, მობილური ტელეფონები გვაქვს, ეგ რო არა, გამოგყ-რუდებოდი.

ორ-ორ მკვდარი ესვენა იმ დღეებში კორმა-ბარისასოს. ცალ-ცალკე საზიდავი გახდა ჩასასვენებელი, სახურავი და


მიცვალებული, ისიც ძლივ განიხებულ ბი-ლიკზე, ორი კაცი რო ვერ აუვლიდა გვერდს ერთმანეთს.

ასე წვალებით მივბარეთ მოხუცები მიწას და გვაპატიონ იმათა სულეგმა, თუკი მთლად რიგანად ვერ აღვასრულეთ ყვე-ლაფერი.

თოვა რო შეწყდა, მეორე დღეს ვერტმ-ფრენი გამოჩნდა ცაზე.

მთავრობის კაცებთან ხევსურების შეხვედრა და იქ წამოჭ-რილი საკითხები რო აღვწერო, დიდ დროს წაიდებს, მაგრამ ძირითადად კი ჩამოეთვლი: მუდმივად ექიმის ყოლა ადგილზე, ელმონტიორის საშტატო ერთეულის დაშვება, ერთი „რაციის“ დადგმა ბარისასოში, რადგან პირიქითა ხევსურეთში მობილური კავშირი არ არის, ბუღდოხერი ფშაგ-ხევსურეთის ხეობას და კიდევ მიკროავტობუსი სკოლა-ინტერნატს.

რამდენიმე დღის შემდეგ ორი ვერტმფრენი შემოფრინდა ხეობაში. ორივე საზღვრის დაცვის დეპარტამენტისა, რომელთაც შემოიარეს მთელი ხევსურეთი და ჰუმანიტარული დახმარება



ჩაუყარეს სოფლების მცხოვრებთ.

შვეულფმფრენს პირიქითა ხევსურეთში რო ეფრინა, უფრო კარგი იქნებოდა – ამ დიდთოვლობისას მათ უფრო უჭირდათ, ვიდრე დიდ სოფლებს, ერთი „თვალის დაღვივების“ მეტს კი არას ითხოვენ ისინი.

მთიანი კუთხეებიდან მოსახლეობის აყრა-გადასახლების ერთ-ერთი მთავარი მიზეზთაგანი უგზოობასთან ერთად, დაბალი სამედიცინო მომსახურება, ანდა ზოგან საერთოდ მისი არქონა გახდა. ხევსურეთის სოფლები ამ საშუაზარო რეალობის ყველაზე დიდი „მსხვერპლი“ არიან.

აღრეც და ახლაც აქაურთაგან ხშირად მსმენია: – აქ რომ უეჭობით რამე დაგვემართოს ან მე, ან ჩემს შვილებს, ან საქონი რად გინდა, ან – ნაქონიო და მართლაც ვერ გაამტყუნებ, რა პირით, რა ნამუსით ეტყვი: – სოფელს ნუ დატოვებ, ბარში ნუ გადასახლები.

ბარისასოში ამბულატორიად გადაკეთებული საუბნო საავად-მყოფოს შენობის სახურავი და კედლები 5-6 წლის წინ ვერ კიდევ ვარგისი იყო. ერთ დროს 25 საწოლიანი საავადმყოფო მთელ ხევსურეთს და უკანაფშავს ემსახურებოდა.

მარშან ზაფხულში სტომატოლოგის საშტატო ერთეული გააუქმეს. მას აქაური კაცი, ყველაფრის და ყველას ექიმი“ ირაკლი არაბული ემსახურებოდა. ძალიან გავიხარებდით პირაქითა ხევსურეთელები, ამბულატორიას სასწრაფო-სამედიცინო დახ-მარების მანქანა რომ ჰქონდეს, რადგან რაიონს 50 კილომეტრი გვაშორებს და სანამ იქიდან მანქანა ამოვა, შეიძლება ავადმყოფს რამე დაემართოს.

ერთ კა-ამბავიც ითქმის: განვლილ

ბაბიქილება ბოლო ბვიხეზა

დეპუტატობა უდიდესი პასუხისმგებლობაა

მრეკლამე ტრიპოლსკი 1951 წლის 24 სექტემბერს დაიბადა. დაამთავრა ილია ჭავჭავაძის სახელობის თბილისის უცხო ენათა პედაგოგიური ინსტიტუტი, ინგლისური ენის განხრით. ასევე დაამთავრა რუსთაველის სახელობის თბილისის სახელმწიფო თეატრალური ინსტიტუტი, დოკუმენტური კინოს და ტელევიზიის რეჟისორის სპეციალობით და მუშაობდა კინორეჟისურაზე. 1974 წელს ეკონომიკისა და სამართლის ინსტიტუტის ლაბორანტად მუშაობდა.

1975-1984 წლებში გახლდათ თბილისის სახელმწიფო უნივერსიტეტის კინო-ტელე ლაბორატორიის რეჟისორი.

1984-1995 წლებში იყო კინოსტუდია „ქართული ფილმის“ რეჟისორი. 1995-2003 წლებში ტელეკომპანია მე-9 არხის გენერალური დირექტორი.

2004-2008 წლებში ტელეკომპანია „მზის“ განყოფილების ხელმძღვანელად გვევლინება.



ბატონო ერეკლე, ვიდრე საუბარს დაიწყო მინდა განსაკუთრებული პატივისცემა და სიტოზი გამოვხატო თქვენადმი, როგორც საქართველოსთვის დაუვიწყარი მსახიობის, იაკობ ტრიპოლსკის შვილისადმი და ჩემი ღრმა პატივისცემა მისი შემოქმედებითი ღვაწლის მიმართ.

დეპუტატობა დიდ პასუხისმგებლობას მოითხოვს, მითუმეტეს მთიან რეგიონში, რადგან უამრავი სამქიანობის თვალსაზრისით აქ მეტი პრობლემა გროვდება. რა არის თქვენთვის დეპუტატის რაიონი, საკუთარი არჩევანია თუ ნებისმიერი კუთხე, სადაც შემოგთავაზებდნენ?

— დიახ,

ქალბატონო იზა, გეთანხმებით, რომ დეპუტატობა რთული ყოფილა, ეს ხომ ჩემთვის ახალია. მე პირველად ვარ მაჟორიტარი დეპუტატი და დავინახე რა დიდი პასუხისმგებლობაა, რა უდევს

საფუძვლად ამას, იმასაც გიპასუხებთ, რომ დეპუტატი ჩემთვის სულერთი არ იყო. რა თქმა უნდა არჩევანი მქონდა. რომ დეპუტატი ვყოფილიყავი, რადგანაც ჩემი გვარის ისტორია საქართველოში დეპუტატიდან იწყება. აქედან გამომდინარე მინდა გულისტკივილით აღვნიშნო, რომ ქალბატონი ინგა გრიგოლიას გადაცემაში, რომელიც ჩემთვის უცნობ დეპუტატ მოქალაქეებთან თუ „უცხოპლანეტელებთან“ გაცხადდა, მათ ჰკითხეს: მიცნობენ თუ არ მიცნობენ, ამაზე სამმა ადამიანმა უპასუხა, რომ არავენ არ არის მათი დეპუტატი და არ მიცნობენ.

იქ სხვა პიროვნებებიც ჩაწერეს, რომლებიც კარგად მიცნობენ და სიმართლე თქვეს, მაგრამ რეპორტაჟში არ აჩვენეს. მე ამ დროს დეპუტატი ვიყავი, მათ ჩამასწერეს და სულ სიცილით სავსე რეპორტაჟი აჩვენეს. აი, ასეთმა ტექსტმაც გაიფიქრა: „დღეს მიღებაა და არავენ

არის და... თავად დეპუტატიც არ არის“. ამ დროს დეპუტატი ვიყავი იმიტომ, რომ ქვევით მსოფლიო ბანკიან მქონდა შეხვედრა, და რომელიც დეპუტატი რეაბილიტაციაზე მუშაობს. მე კი ვაღიგებოდა არ ვარ ყოველდღე დეპუტატი ვიყო...

მინდა ზემოთ ნათქვამს დავუბრუნდე: შეურაცყოფა არ უნდა მიაყენო ადამიანს და საზოგადოებას; როცა ამბობენ იმას, რომ არ იცი დეპუტატი ვინ არის დეპუტატი და რომელიც სოფელში კი არა... და როცა 150 წლიანი ისტორია აქვს ჩემს გვარს და ყველამ იცის დეპუტატი რაიონში მამაჩემიდან გამომ-

დინარე ტრიპოლსკები ვინ არიან. ჩემთვის წარმოუდგენელია ასეთ რამეს რომ ამბობენ. მაგალითის მოიყვან იმ გადაცემიდან ზვიადურზე რომ თქვეს: არ ვიცით, ჩვენი დეპუტატი ვინ არისო. ეი, ის ხალხიც აყენებს შეურაცყოფას კახელებს, ახმეტელებს, რომ პირველად, დამოუკიდებელი საქართველოს შემდეგ ოლიმპიური ჩემპიონია ზურაბ ზვიადური და კახელებმა არ იციან ვინ ჰყავთ ოლიმპიური ჩემპიონი, უბრალოდ ცინიზმია.

— ესე იგი ისინი, ვინც ამ კითხვაში გახსენებთ ძველი მთავრობის მომხრეები და ამ ახალი ხელისუფლების მოწინააღმდეგეები არიან?

— მე არ ვიცი ვინ არიან ძველი მთავრობის, ახალი მთავრობის და ვისაც ჰკონია, რომ რაიმეს აკეთებს და ისტერიას თესავს ქვეყანაში, იმათ უნდათ არეულობისათვის. მათ წესიერი ადამიანები არ სჭირდებათ, უნდა იყვნენ სულელები, გიჟები. და ყვიროდნენ და გაკვირდნენ. ამ ქვეყანაში დამშვიდება არავის

2008 წელს საზოგადოებრივი ტელევიზიის სამეურვეო საბჭოს თავმჯდომარეა. 2009-2011 წლებში ტელეკომპანია „ერთსოლოვნების“ სამხატვრო ხელმძღვანელი. 2011-2012 წლებში ტელეკომპანია მე-9 არხის გენერალური დირექტორის მრჩეველი გახდა.

ბატონი ერეკლე ამჟამად დეპუტატის რაიონის მაჟორიტარი დეპუტატია, ასევე ფრაქცია „ქართული ოცნების“ წევრი. რეგიონული პოლიტიკისა და თვითმმართველობის კომიტეტის თავმჯდომარეა, აზერბაიჯანის რესპუბლიკის, დიდი ბრიტანეთისა და ჩრდილოეთ ირლანდიის გაერთიანებული სამეფოს პარლამენტთან მეგობრობის ჯგუფის, ესპანეთის სამეფოს, თურქეთის რესპუბლიკის, საფრანგეთის რესპუბლიკის, ყაზახეთის რესპუბლიკის, პარლამენტთა მეგობრობის ჯგუფის წევრი, ევროკავშირის (საქართველო-ევროკავშირის საპარლამენტო თანამშრომლობის კომიტეტის საპარლამენტო დელეგაციის წევრი.)

არ სჭირდება — აქედან გამომდინარე, რა თქმა უნდა დიდი პასუხისმგებლობაა, ამას მე ვხედავ და შეძლებისდაგვარად ვმუშაობ.

— გთხოვთ, ის კონკრეტული პრობლემები დასახელოთ, რაც ყველაზე სწრაფად მოგვარებას თხოვლობს. ისიც გავგიზიარეთ,

„ამ ქვეყანაში დამშვიდება არავის არ სჭირდება — ამჟამად დამშვიდება არავის უნდა დიდი პასუხისმგებლობაა, ამას მე ვხედავ და შეძლებისდაგვარად ვმუშაობ.“

ამ ხნის განმავლობაში რისი გაკეთება მოასწავთ?

— ის ფაქტიც ვახსენე იმ გადაცემაში რაც მოხდა, მაგრამ, სამწუხაროდ, ეს არ გაუშვიათ. გავიმეორებ, იქ, რაც მე ვთქვი, არ უჩვენებიათ. მე მგონი საქართველოში ვიღაც-ვიღაცებს ეშინებათ და ვერ ხვდებიან დეპუტატი ვინ არის და რა უფლება-მოვალეობა აკისრია. თქვენს კითხვაშიც ჩანს, რომ მკითხეთ, რა მოვასწარი. მე ხელთ მაქვს დეპუტატიდან გამომდინარე ინფორმაცია 2014 წელს საქართველოს რეგიონებში განსახორციელებელი პროექტების ფონდიდან დაფინანსებული პროექტების მიმდინარეობის შესახებ.

სამი სხვადასხვა პროექტი და მეოთხეა კიდევ: 2014 წელს სახელმწიფო ბიუჯეტიდან სტიქიის შედეგების სალიკვიდაციოდ დაფინანსებული პროექტების მიმდინარეობის შესახებ. ყველა მიმდინარეობა რამდენი პროცენტით შესრულდა, რამდენ პროცენტზეა დღევანდელი დღისთვის და ყველაფერი.

აი, ოთხი ჩამონათვალი და შედეგად, რომ საკმაოდ სქელტანაინი ჩამონათვალია. 290 სოფელია დეპუტატის რაიონში. სად რა გაკეთდა და როგორ გაკეთდა. მე ამას ზეპირად ვერ გეტყვი. თუ გნებავთ, გაგაბანთ ამას და შეხედავთ თქვენ, რომელ სოფელში როგორ და რა გაკეთდა, მაგრამ ფაქტი ერთია, რომ დეპუტატი გამგებელი არ არის.

საბედნიეროდ, წელს თვითმმართველობის არჩევნების შემდეგ, მთელ საქართველოში დანიშნული კი არა, არჩეული გამგებლები არიან. ასე რომ ეს თემა უფრო დემოკრატიისკენ არის წასული, ანუ თვითმმართველობისკენ.

როდესაც ჟურნალისტები კითხვას მისვამენ, რომ რა მოასწავთ და რა გააკეთებთ, მე შემოდია ვითხოვ: მე კი არ მოვასწარი, ეს დეპუტატის გამგებამ მოასწარა. დეპუტატის საკრებულომ რა გააკეთა და როგორი ნება იყო ცენტრალური ხელისუფლებისა.

აი, რაც ჩამოვთვალე, ამ ოთხი პროგრამით ეს თანხა მიეცა რეგიონებს, დიახ, არის რაღაც საყვედურებიც, მეც მქონდა კომიტეტის სხდომაზე ბიუჯეტის როცა ვიღებდით, ეს თანხები, ცენტრალურმა ხელისუფლებამ გაიღო. ადგილობრივი ბიუჯეტიდან იყო თუ საიდან იყო, ეს სოფლის მხარდაჭერი პროგრამა იყო, ეს ვერ შესრულდა ბოლომდე, და შეიძლება ფული დაუხარჯავი დარჩეს.

ეს იმის ბრალია, რომ არ არსებობს პროექტები, არ არსებობდა ეს წინა ხელისუფლებიდან მომდინარე. ეს ავადმყოფობა იყო, რომ ყველაფერს იწყებდნენ ყოველგვარი პროექტის გარეშე. რაც გაკეთდებოდა, გაკეთდებოდა. არანაირი გეგმა არ არსებობდა.

თქვენს კითხვაში იყო ასეთი ფრაზა: ყველაზე მთავარი გადასაწყვეტი საქმე რა არისო.

გიპასუხებთ: ყველაზე მთავარი გადასაწყვეტი საქმე არის რეგიონების განვითარება,

რომლის გულისთვისაც ჩვენმა კომიტეტმა და რამდენიმე პირმა ბევრი ვიშრომეთ, ვიბრძოლეთ იმისთვის და მივალწიეთ იმას, რომ შექმნილიყო რეგიონული განვითარების სახელმწიფო კომისია... ეს შევქმენით პრემიერ მინისტრის თავმჯდომარეობით. აქ სახელმწიფო მინისტრის გარდა შევიდნენ თითქმის ყველა მინისტრი სახელმწიფო მინისტრის და გუბერნატორების გარდა. პარლამენტიდან კი რამდენიმე პარლამენტარი.

ყველას გასაგონად ვამბობ: ამ ქვეყანაში რაც მოხდა, უკვე აღარ უნდა განმეორდეს. საქართველო რეგიონებისგან შედგება, რომელიც არ არის მარტო თბილისი და ბათუმი. უნდა განვითარდეს რეგიონები. უნდა შეიქმნას რეგიონების განვითარების გეგმა. თუ რეგიონების განვითარების გეგმა არ იქნება, არაფერი არ იქნება და საქართველო ისე ვერ განვითარდება. ყველაზე სწრაფად მოსაგვარებელი ეს საკითხია. ასევე მოსაგვარებელია ეკონომიკური საკითხი.

ეკონომიკა და სავაჭრობები თუ არ გაიხსნა რეგიონებში, არაფერი არ გამოვა. ტყუილად ვფიქრობ ჩვენ ამ ფულს, ის ჰაერში იბნევა. არავინ არის დაზღვეული სტიქიისაგან.

ქალბატონო იზა, თქვენ კითხვა გაქვთ, რა ეშველება მთას...

— დიახ ბატონო ერეკლე, ვიცი, რომ თქვენი რეგიონის მთიანეთში მწვავე დემოგრაფიული მდგომარეობაა. რას ვიქნებთ, როგორ შეიძლება ამ პრობლემის მოგვარება?

— ამდენ გზებს ტყუილად ვაკეთებთ, ფული გადაყრილია, არავინ არ დაბრუნდება იმ სოფლებში, რომლებიც დაიცალა. რანაირი გზაც არ უნდა გაიყვანონ. რა თქმა უნდა ჩავლენ. კომფორტით იმგზავებენ, ძალიან კარგია, რომ კომფორტით იმგზავებენ. ჩავლენ, დარჩებიან იმ საღამოს იქიფებენ და ჩამოვლენ. ის რომ ვინმე დაბრუნდეს მთაში ტყუილია. მარტო გზა ვერ უშველის, თუ იქ სავაჭრობები არ აშენდა, თუ იქ ადამიანები არ დასაქმდებიან. იქ რამე საქმე უნდა იყოს გასაკეთებელი, რომ აღორძინდეს.

ამას წინათ შევხვდი მწერალ კობა არაბულს, რომელმაც ძალიან საინტერესო გეგმა მოიტანა. ამ გეგმასაც განხორციელება სჭირდება, რა თქმა უნდა ყველაფერს — გემების მეტი რა არის.

აი, ასეთი გეგმა აქვს კულტურულ-ეკონომიკური ხსნის სათემო-სამონასტრო პროექტს, რომელიც ქადაგებს იმას, რომ ხეესურეთში, კიდევ ერთ სოფელში სათემო თემები დაფინანსდეს. (ეს ძალიან საინტერესო იქნება)

— დასაქმდნენ და დაბრუნდნენ.

— დასაქმდებიან იმ შემთხვევაში, თუ ხელს შევუწყობთ და საქმე ექნებათ გასაკეთებელი, თორე ისე კი არიან იქ და დღეობებზე და ხატობებზე ჩადიან და მარტო ქეთით ამოიწურება ხოლმე ეს ამბავი. აქედან გამომდინარე, მე ახლა შეიძლება აბაბუდა რაღაცებს ვლაპარაკობ, მაგრამ მოსახლეობა ძალიან დიდი ხანია ელოდება მთის კანონს. კიდევ ერთხელ მინდა ვთქვა, რომ პოპულარულია თუ არა პოპულარული, არ მაინტერესებს მე. მთის კანონი ვერაფერს ვერ უშველის, თუ ეკონომიკა არ განვითარდა, თუ რეგიონების განვითარებაზე არ ვფიქრობთ. თუ

ბაბიძეაბა მე-3 ბზიხეა

წვიმიანი დღისა და ღამის სტუმარი

ნარკვევი-რეკვივი

„მომიგონებდეთ, განსოვდეთ უზენაისაგან ნაწილადები სიტყვის მხოლოდ ჩემული ძალით და სიკეთით“

ეს პატარა, ბუნწი ეპიტაფია შენი დაწერილია. იგი ერთ შენს საგაზეთო წერილში მოუბღვენი ჩვენს გარდაცვლილ მეგობარს, კოლეგას, ცნობილ ჟურნალისტს. დღეს კი, ვიტყვებ უფლებას და ჩემს „რეკვივს“ გიძღვნი შენ, შენსავე საფლავის ქვაზე წასაწერად. სიცოცხლეშივე თქვი საკუთარ თავზე ის, რაც სხვას, ან თუნდაც მე უნდა მეტყვა. მაპატიე ჩემო დედამამშვილებთან გაიგივებულ მეგობარო შენი უბაღლო ჟურნალისტური ნიჭიერების მოწმე საკებ ოდას და მხატვრულ ნარკვევს კი არა, ამ ცრემლიან სტრიქონებს რომ გიძღვნი. და აქაც, სხვისი ნიჭის შენეულ შეფასებაში ერთ სიტყვასაც ვერ შევცვლი.

ღიან! გიგონებთ და გვასხოვზარ სიტყვის შენეული ძალით და სიკეთით...

იმ დღესაც წვიმა. მაშინ ძალიან ღამაში, მშვიდი, ყუყუნა წვიმა მოდიოდა. არც მზე ღამობდა ღრუბლებში მიმალვას. იგი იცინოდა და პირს აბანდა. ხის ტოტებზე შემომჯდარი ბელურები საამურად გალობდნენ, სტკენდნენ და ჟღერდნენ. მწელია სახელი მოუძებნო თავისებურად ამტყვევებული ფრინველების ბგერათა ჰარმონიულ სამყაროს. ზოგიერთი დასველებული, უფრო სწორად, დანაშული ჩიტები ფანჯრის რაფაზე გასაშრობად გაფენილ გოგრის თესლებში საკენკს ეძებდნენ. მათი ჟღერტული, ონავრობა და ანცობა საოცარ ელფერს მატებდა იმ მოკრძალებულ წვეულებას, შესვენების დროს სამსახურში რომ გავმართეთ. თუმცა ამ თავგრილობაზე განსაკუთრებული და პომპეზური არაფერი ყოფილა. არ გვქონია ირმის მწვადები და შუშუნები, მაგრამ ჭარბად იყო დედას პურები, სითბო და სიყვარული, რომლებსაც ერთმანეთს თანაბრად უნაწილებდით. არასამუშაო საათებში ასე ჩვენ ხომ ყოველდღე ვიკრიბებოდით. ამიტომაც, სხვა დღეებთან განსხვავებით, მარტის იმ ჩვეულებრივ სამუშაო დღესაც განსაკუთრებული იყო მხოლოდ თარიღი, რომლის აღნიშვნაც ჩვენი მეგობრის, კოლეგის დაბადებას ეძღვნებოდა. ითქვა ძალიან ბევრი ღამაში ლექსი, შესრულდა დაუვიწყარი სიმღერები, მოგონებები მოგონებებს ენაცვლებოდა და დღე იყო მართლაც განუმეორებელი.

ჩვენი იუბილარი ქალბატონი კი გამუდმებით თვალს ადევნებდა სტუმრად მოსულ მგალობელ ჩიტებს, რომლებიც გასაშრობად გაფენილ გოგრის თესლებს გამეტებულად მიმოფანტავდნენ. გოგრის ეს საუცხოო ნაყოფი მას ხომ ხშირად მოჰქონდა რედაქციაში ჩვენთვის, როგორც საუკეთესო სამკურნალო საშუალება და იმ დღესაც, ჩვენი ოთახის ფანჯრის რაფაზეც სწორედ მან გაფინა გასაშრობად, იგი ორპროვანდ ილიმებოდა. იქნებ ნაღვლობდა კიდევ? ვინ იცის...

ქალბატონმა ვეღარ გაუძლო ცდუნებას, წამოდგა და ფანჯარასთან მივიდა. ჩიტები გაფრინდნენ. მან მზერა გააყოლა პატარა ონავრებს და ძალიან ჩემად, ისე, რომ არავის გაეგონა, კენესანარევი ჩურჩულით ნაღვლიანი ამღერებული სტრიქონები თან დაადევნა: „ჩემო ბელურა, ჩიტო, ჩემთან დაბრუნდი და გამრი“. წვიმის ფარდაც ჩამოეფარა.

ჩემთვის მარტის ის დღე იყო განსაკუთრებული, რომელიც დღემდე არ მაგიჟდება. ერთმანეთში შერეული წვიმა, მზე, ჩიტები, ამღერებული ქალბატონი, დედის პური და დაუღის ყველით გადახდილი დაბადების დღე და ყველაფერი ერთად მაგონებდა ბუნების კიდევ ერთ საოცრებას...

ეს იყო მაშინ, როცა შხაპუნა წვიმა მოდიოდა. ახლა კი კოკისპირულად წვიმს. თითქოს ცალ პირი გახსნა და მილიანად ჩამოიქცა. სულ ცოტაც და მალე შარბზე დაგროვილი გუბები ნაკადულად გადაიქცევიან. ამოვარდნილი ქარიც მძლავრად გუგუნებს. ხეებიდან მოგლეჯილი ფოთლები უმისამართოდ დაფრინავენ. ბნელი, კუბრისფერია ხმაურიანი ღამე. ვდგევარ სარკმელთან და ველოდები როდის გაიმეტებს სიკეთეს ეს მბრძანებლური ბუნება. ვიცი ამაღამ გულში მწუხარება ღამეს გაათევს, რადგან მელიდება ტბილ და ნაღვლიან წარსულთან შეხვედრა.

„წვიმს, ეს შენ ხარ ცრემლებად დაძრული“, იქნებ „გსურს არც გაიდაროს“ და პოეტისაგან ნახესხები ეს სტრიქონებიც შენთან ასოცირდება ჩემო მონატრებული მეგობარო.

„როცა მოვკვდები, იცოდე სხვას არავის დაანებო, შენ დაწერე ჩემზე რამე – დამპირდი“...

ასე მითხარი იმ დღეს, როცა თვალცრემლიანი კითხულობდი ჩემს საგაზეთო სტატიას „სიკვდილის მერე გავზავნილი ბარათი“

მე რომ მოვკვდები, შენ ხომ დაწერე ჩემზე მეთქი? სწრაფად გიპასუხე...

„არა, არა, არ დაწერე!“ თითქმის ყვირილით და გაბზარული ხმით მითხარი...



ვაგლახ, რომ მე მომიწია... არდა, პირობა არცერთს არ გვითქვამს. ან ხუმრობითაც შეიძლება „კი“ ის კი არადა, ერთმანეთის გასამხნეებლად თვით სიკვდილსაც კი გავუთამაშეთ. ორივემ ხომ კარგად ვიცოდით მაშინ საკუთარი სულის ყივილი...

ახლა კი ვასრულებ თხოვნას და ეს რომ არა, შენზე წარსული დროით ვერასდროს ვისაუბრებდი. ახლაც არ ვიცი რა დაგწერო, რა ვთქვა, რა მოგიძღვნა – ნარკვევი, რემქვიმი, სახობტო ოდა თუ კიდევ რა? არ ვიცი...

მოგონებები და ფიქრები ერთმანეთში ირევა და ვიდრე შევძლებ ამ მძიმე ტვირთის აზიდვას, მანამ შენს სასახელო შეილებს, მალხაზს და მედეას მინდა მიგმართო, რადგან რედაქციაში შენი სამუშაო დღის დასაწყისი და დასასრული ასე მთავრდებოდა: „დედა ენაცვალის ჩემს მახოს და მეღოს“. და აი ესეც: „დედათქვენი არ მომკვდარა, ის ცოცხალია და აქ არის ჩვენი, ჩვენს გვერდით. დაჯერეთ გარდაცვალების, მან უკვდავებაში გადაინაცვლა და მძიმე ცრემლებით ნუ დაამძიმებთ“ (მ.დ.)

ღაბადა და გაიზარდა ქალაქი თბილისში. ბავშვობის ყველაზე ღამაში ოცნების წლები თბილისის ერთ-ერთ ბავშვთა პანსიონატში გაატარა. სწორედ მაშინ, როდესაც დედაც და მამაც მისთვის მთელი სამყარო უნდა ყოფილიყო, სწორედ მაშინ, როცა მისი სულის ხვეულებში წვდომა მათ გარდა სხვას არავის შეეძლო. ამიტომაც იყო, რომ ამოუცნობი სევდა მთელი ცხოვრება თან დაჰყვებოდა. ყმაწვილქალობის ასაკში კი მასზე მეურვეობა მისმა ბიძებმა, ცნობილმა საზოგადო მოღვაწეებმა და მეცნიერებმა ვლადიმერ და მიხეილ ჩინჩალაძეებმა აიღეს, აკურთხეს კიდევ სტუდენტობის საუკეთესო წლებს. ხოლო თბილისის ივანე ჯავახიშვილის სახელობის სახელმწიფო უნივერსიტეტის დამთავრების შემდეგ იგი დამოუკიდებლად შეუდგა ჟურნალისტის ჯადოსნურ სამყაროში მოგზაურობას. და ეს მოგზაურობაც ისეთი იღბლიანი აღმოჩნდა,

რომ მან დამსახურებულად დაიმკვიდრა კუთვნილი ადგილი ქართული ჟურნალისტიკის ისტორიაში.

რესპუბლიკის დამსახურებული ჟურნალისტი, საზოგადო მოღვაწე, პუბლიცისტი, მწერალი ღამარა ჩინჩალაძე გახლდათ რამდენიმე წინის, მრავალი ნოველის, პოემების, ლექსების, მხატვრული ლიტერატურული ნარკვევების, ათეულობით საგაზეთო სტატიების, ფელეტონების, რეპორტაჟების, ჩანახატების ავტორი.

მან შემოქმედებითი მოღვაწეობა დაიწყო გაზეთ „სახალხო განათლების“ რედაქციაში, სხვადასხვა პასუხსავე თანამდებობებზე, სადაც ცხოვრების შეგნებული ორმოცი წელი გაატარა და სიცოცხლის ბოლომდე უერთგულა და ემსახურა საყვარელ გაზეთს და საკუთარ ქვეყანას. წერდა და მისი მარგალიტის მძივებად ასხმული სტრიქონები არასოდეს დაავიწყდებოდა

რედაქციაში. ერთად რომ გავგიტარებია და გვეგონა ყოველთვის ასე იქნებოდა, სამწუხაროდ არა და არა და მოგონებების მორევში ვიძირები.

მასზე, როგორც საზოგადო მოღვაწეზე მკითხველებმა ისაუბრონ, მე დღეს ვსაუბრონ როგორც მეგობარზე და გავიხსენებ რამდენიმე ცხოვრებისეულ ეპიზოდს. ვფიქრობ ეს მოგონებები საუკეთესო შტრიხებია მისი პორტრეტის დასახატად.

90-იანი წლები იდგა. ეროვნული მოძრაობა კულმინაციას აღწევდა. უწყვეტი მიტინგები იმართებოდა. მთელ ქალაქს აზანზარებდა **ზვიად გამსახურდიას** და **მერაბ კოსტავას** ომხიანი შემახილები. ჩვენ რედაქციიდან გამოვედით და ძლივს გავარღვიეთ რუსთაველის გამზირი. ღამარას ვურჩიე: გამოდი მიტინგზე და ამხილე ინტელიგენციის ის მოღალატე წარმომადგენლები, ტელევიზიასთან ბეტერებზე რომ შემომსხდარან მეთქი. მას არც დაუყოვნებია და 1-2 წუთით ტრიბუნაზე ავიდა. ჩემდა გასაკვირად ისე შემართებით შემოუძახა ყველას, რომ მეუხარე ტაშიც დაიმსახურა. „წინ ზვიადის გზით, წინ მერაბის გზით!“ ასე დაასრულა თავისი გამოსვლა. სხვათაშორის ის პირველად გამოვიდა მიტინგზე და წარმატებულად. როცა რედაქციაში მივბრუნდით, მე რა თქმა უნდა, შევეუქე ეს გამბედაობა და თავადაც ამაყად შეალო რედაქციის კარი. მოხდა ის, რაც უნდა მომხდარიყო. სარედაქციო კრება მოეწყო და ჩვენ გველოდებოდნენ, თუმცა შინაგანად ყველა მხარს გვიჭერდა, მაგრამ კომენტარების დრო არ იყო.

– აბა, ძვირფასო ქალბატონო რა მოხდა მიტინგზე?! – იკითხა რედაქტორმა. დაბნეულმა ღამარამ მხრები აიჩეჩა და – მერმე მირჩია – თითქმის წაილულულა. დარბაზში ყველას გულთანად გაეცინა, მათ შორის რედაქტორსაც. ჩემს თვალში ქალბატონი ღამარა ის ერთი დიდი გულბრწყინო ბავშვი იყო იმ წუთებში, თუმცა მასხოვს სხვა ისტორიებიც. თუ როგორი შეუპოვარი, პრინციპული, მეგობრული იყო. ამის დასახატად გავიხსენებ ერთ პატარა, მაგრამ მეტად მნიშვნელოვან ისტორიას რომელიც დღემდე არ მაგიჟდება.

ისევე კომუნისტების დრო იყო. რედაქციაში დამავალეს ერთ-ერთი რაიონის პარტიის რაიკომის პირველ მდივანზე წერილის მომზადება. როცა მასალა გამოქვეყნდა, სარედაქციო თათბირზე ზომავე მეტი ქება-დიდება დავიმსახურე. მერე დღეს სიტუაცია მთლიანად შეიცვალა. თურმე ამ ადამიანს ცენტრალური კომიტეტი მოსახსენებლად ამზადებდა და ჩემი ორგვერდის ნარკვევი მათ ხელს არ აძლევდათ, ამიტომაც ისევე სარედაქციო თათბირზე გადაწყვიტეს ჩემი დასჯა. სხდომაზე ხმას არავინ იღებდა, ყველა უსიყვავილედ ემორჩილებოდა ამ უსამართლო გადაწყვეტილებას, მაგრამ მოხდა წარმოუდგენელი რამ, ყველასგან მოულოდნელად, როგორც დაჭრილი ვეფხვი, ეს უწყინარი ქალბატონი ზეზუნულად წამოიჭრა და ასე დამამშვიდა: „საყვარელო, არ ინერვიულო, ვერ ხვდები რას გერჩიან?! „რატომ კარგი დაწერე...“ მერე ხელი მომიკდა და შინ წამიყვანა, ის სამარცხვინო კრება კი დარჩა ასე სამარცხვინოდ...“

იმ მომენტში ის იყო ქალი-ღვეგნა, პრინციპული, უშიშარი და რაც ჩემთვის მთავარია, სიკვდილმდე ერთგული მეგობარი.

ღიან! იყო ასეთი შენიღბული დღეებიც, შინარსით არაფრის მომტანი, მაგრამ იყო ასეთივე ჭეშმარიტი ადამიანური გამოვლინების უტყუარი დასტური, რასაც მეგობრობა და სიმათევე ჰქვია.

ბევრი მაქვს მოსაკონარი, მაგრამ ეს ფორმატი არ მაძლევს საშუალებას აღვიდგინო ყველა დეტალი, თუმცა არ შემიძლია ერთი შემთხვევაც არ გავიხსენო თუნდაც იმიტომ, რომ ღამარა იყო ჭეშმარიტად სულით-ხორცამდე ამაღლებული ინტელიგენტი და დიდი პიროვნება.

რუსთაველის გამზირზე, ერთ-ერთ ცნობილ ქსოვილების მაღაზიაში, ოქროსფერი ხავერდის ფარდები ვიყიდე და ვაკეში შინ მიმიწვია. სახლის პატარა ეზოში დიდი ღვინის ხე იდგა, რომელსაც ნაყოფი მთლიანად შემოცლოდა, თუმცა ხის კენწეროზე შუაში გადამსკდარი ღვინის ფოთლებში იმალებოდა. ძალიან

ბაბიქიძეა მე-5 ბზიხეა

უშენო განთიადებით...

რა თავზარდამცემი დილა გამოთენდა იმ დღეს, ჩემო მურთაზ, როცა შევიტყვე შენი ამქვეყნიდან წასვლის ამბავი.

ჩვენი ერთად ყოფნის ოცნა წელმა უცბად გაიბინა. დედაშენი, დაღლილი და განაწამები, შენი იმედი და სიხარული, იქ, თიანეთის წმინდა და ულამაზეს მიწაზე განისვენებს...

ასე მოკლე სიცოცხლე საწუთრომ შენთვის რატომ ინება? და მაინც, ვიდრე იყავი, დრომ ვერა დაგაკლო რა... ძილში მოგეპარა სიკვდილი და მძინარეს გაჯობა, დაუწოქებელი ხეცსურო!

წახვედი და თან წაიღე დარდიანი, ნატანჯი და კეთილი გული, ჩანაფიქრები, აუხდენელი ოცნებები და შესაძლოა მონანიების სურვილიც პოეტო და ქართული კინოხელოვნების ზიარო. შენი როლები სულკურთხეული, დიდებული

ჩვენი მეგობრის - გოდერძი ჩოხელის ულამაზეს ფილმებში, მუდამ გაუხუნარი დარჩება და თაობებს გადაეცემა შენი სულიერი თუ გარეგნული მშვენიერებით.

არც სიყვარული მომკვდარა, ის თან წაიღე და მეც დამრჩა სიცოცხლის დასაღიერებლად, პირთამდე სახე შენი ხილვებით, სისულელეებით...

ე მაგ დიდრონი და ლამაზი თვალების სითბო, ჩემს სევდიან გულს დიდხანს გაჰყვება.

შენ აღარა ხარ, და შენს მაგივრად, მე ვეფერები უკუნეთ ღამეს, და უშენობით მოწყვნილი ვერონის მთავრე გაკვალულ გზაზე მონატრების სივრცეს მიაბობს...

იძინე მშვიდად, სიცოცხლეშიც და


სიკვდილშიც ჩვენი მარადიული სიყვარულით... მარადისობაში ხარ, მურთაზ, შენ და დედაშენს მშობლიური და ულამაზესი ვერონა - გომბორის მიწა უნდა დაგყროდათ და რა დასანანი, ასე რომ არ მოხდა...

უნაზესი სიყვარულით მიუხვალ დედა - მზექალას და როგორ გაიხარებო!

შენივითეული შენი ლამაზი სული და სხეული, იმ დღეს ქანდაკებად ჩამოქნილიყო და გაუკვალავი გზისკენ მიემართებოდა...

აქ კი, განთიადები უშენოდ შემოიფრქვევიან ჩემს ფანჯრებში...

**მარად შენი
იზა ჯაჭავაძე**



ლექსის და სიყვარულის კაცი!!

...ძალიან მიძნელებდა მურთაზ არაბულზე მოსაგონარი წერილის დაწერა...

ძნელია, წარმოიდგინო, რომ ის აღარასოდეს შეგხვდება ქუჩაში, სახლში, ღონისძიებაზე, ანდაც სამეგობრო სუფრასთან, აღარასოდეს გეტყვის ხეცსურულ კილოზე: „რა ელ ხარ?!“ აღარ მოგეფერება მისთვის ჩვეული ღიმილიანი თვალებით... მას ხომ ძალიან უყვარდა სიცოცხლე, თავისიანები; ყველა, ვისთანაც გამოვლილი ცხოვრება აკავშირებდა; ოჯახი, შვილები, შვილიშვილები, მეგობრები, ბიძაშვილ-ნათესავები, კოლეგები, გარდაცვლილებიც და ცოცხლებიც...

მურთაზ არაბული ლექსის და სიყვარულის კაცი იყო; ის ერთდროულად პოეტიც იყო და

მსახიობიც და ეს გაორება მისი სულიდან მომდინარეობდა; ის მხოლოდ ლექსით და სიყვარულით ცხოვრობდა...

და მჯერა, მურთაზის ლექსი და სიყვარული მის შვილებში, შვილიშვილებში, მეგობრებში გადავა და გაგრძელდება. და ეს იქნება მურთაზ არაბულის მარადიული სიცოცხლეს!

ბადათმარ არაბული

**ურნალ „ცისკარის“
მთავარი რედაქტორი,
საქართველოს მწერალთა კავშირის
თავმჯდომარის
მოადგილე**

წერილი დედას

არეული მაქვს, დედი, გზა-კვალი, დაგდივარ, ვიყო თითქოს მძინარე, ბეცად მიდიხარ კაცი მზაკვარი, გაკლავილია მღვრიე მძინარე. გადამქნება კლდიდან მერანი, გამიორგულდა ქალთა ფერია, ჩამსაფრებია ჟამი ვერანი, თვალსაწიერიც ბინდის ფერია. დატანჯულია სული ეული, ირგვლივ სიბილწე, შური, ჯალათი, დანომრილია ჩემი სხეული, რომ ვერ ვიგუე მონის ხალათი. შემომჯარვია კაცთა ავი ზნე, გწევარ, ნარეკლის ნალი მივია, დღეს მე ვარ, ვიცი, ტყვის სამიზნე, ხვალ კიდევ, ალბათ, სხვისი რიგია. დიდი ტყვიელი სულში ნაბანი, ამონეთქვაქმდე სისხლმა გაწმინდა, წამოხურა სევდის ნაბადი და გაიზარდა ნისლში მთაწმინდა.

მინდიას

(მამუქას)

მზე ეფერება, ხელს ართმევს შორით და ილიმება ჩემი მინდია, დიდი მუქ-ლურჯი კურცხალი ორი მზესა და აკვანს შორის ხიდა. მზე შენს თვალებში გაორებულა და ანაწილებს ღიმილით სითბოს, განარებული დღეს მე ვარ შენით შენ გენაცვალე, მინდიაგ, შვილო!...

ჩემი პატარა სახლი, ჩემი ლამაზი ჭერხო... ჩემი ჭადარა დედა... ჯვარი დასწერე, დემერთო!..

შორს სიღურჯეუმი

ავდექი, ამეყა სიზმარი უშნო და სიჩუმეში სიჩუმეს ვისმენ, ჭოტი გულისწორს ყიფილით უხმობს, პასუხს ვერ იღებს, ჩუმდება ისევ. არაგვს ამოჰყვა სტკენით ლემადე, უკან დატოვა მთები სამხრეთის, რამდენი რამე ითქვა ჩემამდე, ან კიდევ იტყვის შემდეგ რამდენი. პა, გაფერმერთაღდა შუქი ვარსკვლავთა და გადმოიქცა ზეცა უძირთ, ზევით, ხეგებში, დამე გამქარადა... ამ სილამაზეს მინდა გუცქირო. ცას შეგხედე და განაჭენები, მღვრიე ღრუბელი გადადიოდა, შორს, სიღურჯეუმი, ლურჯა ცხენებით გადაიქროლა გალაკტიონმა...

შარი შამამდგუს შარაზე

შატილთან შატილივებმა შარი შამამდგუს შარაზე, მოყვასთან წადილით შებმა, გულის კარ ცივად ჩაგრაზე. დამაჭარბებდეს კი ვითა, მეტანებოდნენ ძალაზე, შუღლამდე კინად მივიდა, საქმე რო იყო არაზე, შატილთან შატილივებმა შარი შამამდგუს შარაზე.

მურთაზ არაბული

ეპიტაფია

გამოკლებთ გზას და მივალთ ხეგდახეგ, დღეს ამ გრძელი გზით განაწამებნი, მოგვადით, მოგვყვა დამე ფენდაფენ, ერთგულ ძალიდგით დაწვა კარებში.


თინას უხარის ჩვენი სტუმრობა, ეს სიხარული გულს ნადებია, გაშალა სუფრა, დაგვსხა პურობად და შემოგვსწრნენ ტუჩა, ბერდია.

უცებ სათქმელი ლექსად გაგექცა, დარჩეს ამ ღამეს ეპიტაფიად. არ გაპატია ტუჩამ გალექსვა, გამოგიქანა წკებლა კაფია.

ბერდია მღვნივთ ვადა მოზიდა, ძმისწულის ჭირში ჰყავს ბიძა მაშველად, ეგონა, ტუჩას გადასწონიდა და ღვინა ამით უფრო დამშვენდა.

კიდევ გვაწვდიან საგზე სახმისებს - ეს ერთი ყანწიც უნდა შასვალ! მერე ჭიშკრამდე გამოგვაცილეს, გამოგვატანეს ლექსი საგზაო.

წვიმიანი დღისა და ღამის სტუმარი ნარკვევი-რეკვივი



ვი მე მომწონდა, ხოლო მეუღლეს ასე მიმართა „პა შენ, ჩემო ლამარა, ტოტი ცარიელია, მაგრამ იმხელა სიყვარულია ჩაქსოვილი, რომ ხუთ კილოსაც კარგად დაიტევს, სულ არაფერს, ასე სჯობიაო.“ ვბევი ვიცინეთ. ლამარას კი ისე შეეცოდა მოტეხილი ხის ნაწილი, მაინცდამაინც აღფრთოვანება დიდად არ გამოუხატავს. ისევ მე გამოვიყვანე მდგომარეობიდან და მის საყვარელ მეუღლეს ასე ვუთხარი: „ბატონო არჩილ, ლამარას-ნაირი კატეგორიის ქალები იაფფასიან ღიმილს ადვილად არავის სთავაზობენ და არც ჩვენ ვართ ამ შემთხვევაში გამონაკლისები მეთქი.“ ნამდვილად არ ყოფილა მისთვის მოტეხილი ლეღვის ტოტი ღიმილის მომგვრელი. ბევრი ვისაუბრეთ, ვიმხიარულეთ და შინ გამომაცილეს...

გასასხენებელი კი ბევრზე ბევრია... ახლა, ამ წუთებში, როცა ეს თავსხმა თავს არ მანებებს ასე მგონია, რომ ჩემთან ერთად ინაწილებს იმას, რასაც მონატრება და მეგობრის სიყვარული ჰქვია, ხოლო წვიმის ნაწილი ჩემი ცრემლებიც არის. მინდა გულწრფელად ვითხრა, ჩემი ცხოვრე-

ბისა და სულის ნაწილი თან გაიყოლე.

მ ა გ ი დ ა ზ ე მიღვეს ცნობილი ჟურნალისტის მედეა ცუცქირიძის ისტორიული ნოველა „ჯარისკაცი“, რომელიც აფხაზეთის დიდ ტრაგედიას ეძღვნება. მაღალმხატვრული ღირებულების ეს დოკუმენტური ნაწარმოები გაჯერებულია ისტორიული ფაქტებით, უმძიმესი ტრაგედიებით, მაგრამ საგულდის ხმოვანობის, რომ ავტორი



სხვადასხვა ეპიზოდებს და მოვლენებს ფრთხილი იუმორითაც გადმოგვცემს, რომელიც მხოლოდ და მხოლოდ პროფესიონალს და მხატვრული სიტყვის დიდოსტატს ხელეწიფება. ჩემთვის კი მთავარი წიგნის წაკითხვისას ის არის, რომ დედა-შვილის წერის კულტურა, სტილი და მანერა არაფრით განსხვავდება ერთმანეთისგან. ამიტომ თამამად შეიძლება ვთქვათ, რომ ლამარა ჩინჩალაძის მიერ გადაცემული ესტაფეტა ღირსეული შვილის ხელშია. ჭეშმარიტად, სიცოცხლე გრძელდება...

P.S. ჩემო ლამარა, შენ დაიბადე გაზაფხულზე, მარტის თვეში, იების, ენებლების, ვარდების, ყოჩივარდების ფიერვერკში. გილოცავ დაბადების დღეს. მთელი შენი ცხოვრება ერთი ლამაზი, დაუმთავრებელი დიდი სიმღერა იყო, შენი ხსოვნა მარადიულია...

P.S. გადაილო, აღარ წვიმს. არც ველური რამების თქარათქური მირღვევს მყუდროებას, თუმცა მოგონებები და ფიქრები დაუსრულებლად არ მანებებენ თავს. არ მინდა აქ გაგჩერდე, მაგრამ ყველაფერს აქვს დასაწყისი და დასასრული, როგორც ღვთაებას. ჩემი წვიმიანი დღისა და ღამის სანატრელო სტუმარო... მით უფრო, როცა შინაგანად მთელი არსებით ჩამუხმის შორის რაკელის გენიალური „ბოლეროს“ შორეული და ჩემთვის ძალიან ახლობელი სულისშემძვრელი ჯადოსნური მუსიკის ჰანგები, იქნებ აქლემების ქარავნები ისევ მოდიან? ვინ იცის...


არ გემშვიდობები, მაგრამ ჩემებურად მაინც გეტყვი: ამ სტრიქონებში გული კვლავ იწვის, ღამის ბუკარებიც ცრემლით დავენმო, სხვამ თუ არ იცის შენ მაინც იცი, ჩემო სულს და ჩემო კალამო!

სულთანაა შენს უკვდავ სულს!..

პოეზია

„ჯუთის ბილიკას ვაღვიკავ!“

გასული წლის სექტემბრიდან თ.ს.უ. ახალგაზრდა მწერალთა წრის გამგეობას ხელმძღვანელობს **პოეტი ანაბეშვილი**. გოგიტა ერთი ჩვეულებრივი, ხვესური ბიჭია. მას ხშირად შეხვდებით უნივერსიტეტში სერიოზული სახითა და მიუკარგავი იერით მოსიარულეს. ეს ერთი შეხედვით, თორემ ისეთი გულდა და ლაღი მოსაუბრეა, გაგიკვირდებათ. არ უყვარს საკუთარ თავზე ლაპარაკი, სწორედ მისთვის „ყველაზე ძნელი“ შეკითხვით დავიწყებ ინტერვიუ: რას იტყვით საკუთარი თავის შესახებ – ვინ არის გოგიტა არაბული?



და მას მხოლოდ დახვეწა სჭირდება.

– ჩემი აზრით პოეტური ნიჭი ღვთის არის მომადლებული, მაგრამ მთავარი მაინც შრომისმოყვარეობაა. თუ არ იშრომე და საშუალება არ მიეცე შენში არსებულ ნაპერ-წკალს გაღვივებისა – ყველაფერი ფუჭი და უნაყოფო იქნება.

– გოგიტა, როგორ და რა პირობებში იწერება თქვენი ლექსი?

– უმეტესად ღამე, სიმა-რტოვეში...

– თქვენი შემოქმედების თემა, რაზე წერთ ძირითადად?

– ვწერ სიყვარულზე, აგრეთვე დიდი ადგილი უჭირავს ჩემს შემოქმედებაში მთას. მთა ჩემთვის ყველაფერია! არ შეიძლება იმ ბუნების შვილმა, იქ გაზრდილმა და დაბადებულმა შენი მთა-ბილიკების გასვენება და მონატრებაზე ლექსი არ დაწერო.

– რა არის თქვენს შემოქმედებაში ორიგინალური?

– ნებისმიერი დამწერელი მწერალი განიცდის რომელიმე სხვა მწერლის გავლენას. ამ მხრივ არც მე ვარ გამონაკლისი, მაგრამ ზედმეტი არ იქნება თუ ვიტყვი, რომ ჩემი საკუთარი სტილი მაქვს. ვცდილობ ვერლობის გარდაქმნას – რაც შეიძლება მეტი რიტმულობა და აკუსტიკურობა მინდა მიეცე ამ სახის ლექსებს.

– ფიქრობთ თუ არა წიგნის გამოცემაზე?

– ჩემთვის წიგნის გამოცემა სიმძნელეს არ წარმოადგენს, მაგრამ ჯერჯერობით არ ვაპირებ. მე ვფიქრობ, რომ პირველი განაცხადი, ის რითაც ფართო საზოგადოებაში უნდა გავიციოს მეტად სერიოზული და ბევრისათვის უნდა იყოს.

– რას გვეტყვით ახალგაზრდა მწ-

– ვარ ფილოლოგიური ფაკულტეტის სტუდენტი, ვხელმძღვანელობ ახალგაზრდა მწერალთა წრეს და ვწერ ლექსებს. ამის გარდა გოგიტა გატაცებულია სპორტით. კარატეს სკოლაში მეორე წელია რაც დადის და თურმე სერიოზული მიღწევებიც კი აქვს. აი, რა გვითხრა გოგიტამ სპორტის შესახებ: – მე არ შემიძლია სპორტის გარეშე, მაგრამ ვთვლი, რომ ჩემთვის მთავარი საქმე მაინც პოეზიაში მუშაობაა, სპორტით, უბრალოდ გატაცებული ვარ...
– თვლით თუ არა, რომ თქვენს მოვალეობას პირნათლად ასრულებთ?
– ძალიან მომთხოვნი ვარ საკუთარი თავის მიმართ, ამიტომ მუდამ უკმაყოფილების გრძნობა მაქვს და მგონია, რომ რასაც უნდა ვაკეთებდი იმას სრულყოფილად ვერ ვაკეთებ.
– შეიძლება თუ არა რომ ლექსის წერა ისწავლო, თუ პოეტური ნიჭი თანდაყოლილია

ვერ წარმოვიდგინდი ჩემი საუბარი ოდესმე ისტორიად თუ იქცოდა. მეგონა – კიდევ შეხვდებით, კიდევ ვისაუბრებდით – ლაღად, გულდა... მით უმეტეს, სამუდამოდ დამაკავშირა ბედმა ხვესურეთთან (ნანა წიკლაურს გოგიტა არაბული მომავალმა მეუღლემ დავით ალუღაურმა გააცნო)

... მეხივით გავარდა გოგიტას გაუჩინარების ამბავი... თვალს ვერ ვუსწორებდით კობა მასწავლებელს – დარდისა და წუხილისგან გაქვევებულ კაცს... არ არსებობს თანგრძობა, რომელიც ამ ტკივილს გააქარწყლებს... მე კი – თავს იმით ვინუგებებ, რომ გოგიტას შეხვედრივარ, მასთან მისაუბრია, ვამაყობ, რომ მას ვიცნობდი...
ამ ინტერვიუს, რომელიც 1995 წლის მაისში დედა უნივერსიტეტის ბაღში შედგა, დღის სინათლე ალბათ არც ეღირსებოდა, რომ არა ტრაგიკული შემთხვევა.

ნანა წიკლაური
2002 წლის 11 ივნისი,
ბარისახოს საშუალო
სკოლა-ინტერნატის სასწავლო ნაწილის გამგე.

ერალთა წრისა და მისი მუშაობის შესახებ?

– თ.ს.უ. ახალგაზრდა მწერალთა წრეს დიდი ხნის ისტორია აქვს. თავის დროზე, ბევრი, დღეს კარგად ცნობილი მწერალი იყო ამ წრის აქტიური წევრი. ვცდილობთ აღვადგინოთ ათ-ეული წლების მანძილზე არსებული ტრადიციები. ჩვენს გარშემო შემოვიკრიბებთ ახალგაზრდა მწერლებს, მოვიზიდოთ სტუდენტობა. სისტემა-ტურად ვატარებთ ლიტერატურულ საღამოებს, ვაწყობთ შეხვედრებს, ახალბედა ავტორების ნაწერების განხილვას, გასვლით საღამოებს.

ალსანიშნავია გაბრიელ ჯაბუშაურისა და ლევან ვითუას იუბილეებისადმი მიძღვნილი საღამოები. ჩვენი კარები ყველა დაინტერესე-ბული და ნიჭიერი ახალგაზრდისათვის ღიაა.

როგორც გოგიტამ ჩემთან საუბრისას აღნიშნა უნივერსიტეტის ხელმძღვანელობა ყველანაირად მხარში უდგას და ეხმარება მათ...

– წინასწარ იმაზე ლაპარაკი თუ რას გააკეთებ ძალიან ძნელია, რადგან ზოგი რამ მართლ ჩვენს სურვილსა და შესაძლებლობებზე არ არის დამოკიდებული. თუ ყველაფერი კარგად აეწყო, ბევრ სასიკეთო და კარგ საქმეს ვაგვაკეთებთ.

– რა გააკავშირებთ წრის წევრებთან?

– უბირველეს ყოვლისა სამსახურებივი მოვალეობის გრძნობა, ამასთან პოეზიის სიყვარული და რაც მთავარია კარგი მეგობრობა.

– რა გაქვთ თქვენი თანატოლებისათვის სათქმელი?

– ყველას ვურჩევდი, რომ დრო ფუჭად არ დაეკარგოთ და კარგად გამოიყენონ. ისე არაფერ გამოიგონო, თითქოს მარტო სწავლისა და წიგნები-საკენ მოვუწოდებდე ჩემს თაობას. – არა, ლამაზად და საინტერესოდ გატარებული დრო დაკარგულად

არ ითვლება, ჩემს მეგობრებს კი, ამ ბოლო დროს რომ გაანომალისტდნენ, ვეტყვობ სჯობს ისევ ტრადიციულ ლექსს დაუბრუნდნენ, ჭკვიანურად და კლასიკურად იაზროვნონ.

– რა გიხარიათ და რა გაწუხებთ ყველაზე მეტად?

– ძალიან მიხარია, როდესაც რამე დასახულ მიზანს მივალწევ, არანაკლებ მას-არებს ჩემი მეგობრების წარმატებებიც...

რაც შეეხება წუხილს – ყველაზე მეტად დღევანდელია, დღევანდელი საქართველო მტკივა და მაწუხებს.

ძალიან განვიცდი ქართული ლიტ-ერატურის დღევანდელ მდგომარეობას და მისი ბედი მაფიქრებს, როცა არის უამრავი ლიტერატურული დაგვიწყებები, მათ შორის ანომალური, რომელნიც სრულიად ეწინააღმდეგებიან ქართული ლიტერატურის ტრადიციებს, ჩემი აზრით, ასეთ ავტორებს ნადავია არ უნდა მიეცეს, თუმცა დღეს ეკონომიკური მდგომარეობა წვევს ყველაფერს.

– როგორ ატარებთ თავისუფალ დროს?

– თავისუფალი დრო თითქმის არა მაქვს. ისე, თუ პატარა თავისუფლება ვიგრძენი, მაშინვე მეგობრებს მივაშურებ სოლმე.

– დაბოლოს, წაგვიკითხეთ რამდენიმე სტრიქონი თქვენი შემოქმედებიდან:

„ეს შემოდგომა შენი უხვი ქერა თმებია, მსურს ქალწულ ცრემლებს მოვაფერო ჩემი ლექსები, საქართველოში ღამაზეუბი ხომ არ კვდება, ნუ დამიბლებ ფერმკრთალ ფიქრებს, ნუ დამეხსნები!“

ნანა წიკლაური



სამუბლო

ეს სიყვარულზე მეტია, ეს სიცოცხლეზე მეტია, სამყარო არის ტაძარი, სამშობლო ნათლის სვეტია, ცხოვრება ოკეანეა, ჩემი სიცოცხლე წვეთია, დულს და გადმოდულს გრძნობები, რაც გულში არ დამეტია...
კი არ ვთქვი, ხანთლად დაგანთე, რაც სიტყვა გამამბოდა, სამშობლო ჩემი გზაა და თანდაყოლილი ბედაა.

მთის ტრფიალი

იზა ჯაჭვამს

მთიდან ბარამდე, ბარიდან მთამდე შენ დაატარებ მაშულის ნაღველს, თურმე გაჟაის ლექსივით თან გვადევნავს, თავს გვევლები და თავს კი არ ამხელ. ცვარ-ნამი ცრემლად თუ არ გდენია, თვლი, რომ ვერც დილას შეგნი სრულიად, თუ ცისარტყელა ფრუანტელია, ზეცა სათუთი შენი სულია. ჩემი სათქმელიც ბევრ აპრილს უთქვამს, ერთ ფიქრთან შეგყვრის ერთი ელვის გზა...
გგ შენი ლექსი – ყვავილთა სუნთქვა, არწივის ფრთათა ნიავს ესხმრა. ჯიში იქმს, მოყვასთ რომ იძენ უხვად, კვლავ აუსრულდი ნატვრად, დაე, მთებს! სხვათა ტრფიალში მიმოკარგულხნარ, და საკუთარ თავს ასე დაეძებ. საგზლად იკმარებ იმედს და დიმილს, სიგრცეს წინაპრის მზერით დაჰყურებ, შენს გულში არის გზა გამოვლილი, ყველა მთა, ქვეყნის მოჭირნახულე...

მთის ტრფიალი

ლემლა არჩამაშვილს

დილიდან მზესავით აგდგები, მიგაგდებ ნისლევის ნაბადს, დამლოცვენ ღომისის ხატებს, რაღაა სხვა მადლი, აბა?!

ქალბატონო იზა!

გილოცავ დაბადების დღეს – 7 მარტს და ქალთა საერთაშორისო დღეს – 8 მარტს. ისარე და იბედნიერე შენს ერთადერთ ვაჟიშვილთან – ლამაზიორგი კრავიშვილთან. და-მშობთან – ირაკლი, რნო, ზოია ანზორ ჯაჭვამებთან ერთად ოჯახებით, ნათესავებით, მეგობრებით, შენთვის მეტად ძვირფასი დედ-დასაქართველოთი. მრავალი შემოქმედებითი წარმატებით გაგეხარებინოს სამშობლო, რომელიც ასე თავდავიწყებით გიყვარს, ერთგულობ და უშიშრად ებრძვი უკეთურებას.

რომან ზუკაიშვილი,
საგარეჯო


შეგვრებაგ ჩემს ალაღ ძმაკაცებს, გადგული გულსა და სუფრას, ჩონგურის ტკბილი ხმა აგვაგვებს, ლექსებად დაგდნებით სულ მთლად. მთებში თუ ვერა ხარ ამჟამ, აბა, მაშ, რიდასთვას ცხოვრობ?! ვერ მათრობს ლუდი და არაყი, ქალაუ, შენ მათრობ მხოლოდ. გაგხედავ მშობლიურ მთა-გორებს, სადღაც ჰქუხს არაგვი ურჩი, სამშობლოვ, დედაჩემს მაგონებ და მინდა ჩაგიკრა გულში! გაგძახებ ჩემს სათქმელს ჭიუხებს, იცოდნენ, რა ცეცხლშიც ვიწვი... ვაჟებო, ამ მთების ტრფობისთვის ერთმანეთს შეგვეკრათ ფიცით!

ჰომბურ ტაბლაზე ანთიხული

ნოზრეპან (ბიორბი) არაბული ღუშეთის რაიონის სოფელ ბარისახოში 1951 წლის 1 აგვისტოს დაიბადა...

1990 წლის 18 თებერვლს, დილით სამსახურში მიმავალი ნოზრეპან არაბული ტრაგიკულად დაიღუპა ავტოკატასტროფაში...

ტურულ საღამოებზე, ბუნება, ხევსურეთი, სამშობლო, სიყვარული - ეს იყო ის ძირითადი თემები, რაც პოეტს აღვლევდა...



ნოზრეპან (ბიორბი) არაბული

მე არ ვიცოდი, შენ თურმე მაშინ გტკიოდა გული, როგორც არასდროს...

მთვარის მგზავრული აბა შენ იცო მთვარეო, როგორ მშვიდობით მაგლეო...

მონატრებიან ხეებს ნიაგის მსუბუქი, ნაზი გაშრიალება მთებზე დაწვება ღამე ტიალი...

... ..

მერე საოცრად ღამაზ წამების დაელოდები განმეორებას.

იფერფლება ღამე ჩვეულებრივად, არაგვის და ზამთრის ქართა ქროლაში...

თებერვალი ცივი და უკარება, და როგორც ჩანს, ვერ პოულობს საერთოს...

გალაკტიონი

გალაკტიონში არის დემონი... ტგრანელი

უცნაურ ხილვებს, საფლაგოთა ჩრდილებს რად დასტრიალებს თავზე ღრუბელი...

მწამს პოეზიის მხოლოდ სიწმინდე, სხეულის? სად აქვს სიწმინდე სხეულს...

ახლა მარტო ვარ, შველას არ ვგლი, და ისე ვნატრობ სადმე ხეტიალს...

ჩაფიქრებული მოტივებიდან

გადავიღალე ამდენი წანწალით, მეყო, მოგჭამე ჩემი დროება, ალბათ ყველაფერს წინ გაგასწარი...

ისე მომწყინდა ახლა უთქვენოდ, რომ ღამის არის გამგუდოს დარდმა, გულგაკერებით, დინჯად, უცრემლოდ...

ახალ პავლიაშვილი



ჯემალ პავლიაშვილი კახეთში, სტორის ხეობის ერთ ულამაზეს სოფელ ფშაველში დაიბადა...

ჯემალი ყმაწვილობიდანვე სიცვლქით, მოუსვენრობითა და გონიერებით გამოირჩეოდა...

ჯემალს ერთხანად უყვარდა ფშაველის მოსახლეობა, ღარიბიცა და მდიდარიც, დიდიც და პატარაც...

პატარა ცოლშვილის, ახალ მონაშენს და ხელმოკლეს, თუ რაიმე ებადა, გაჭირვებულ მეზობლებს ეხმარებოდა.

ზოგს მანქანით, ზოგს ფინანსურად, ექიმებთანაც კი შუამდგომლობდა, რომ ოპერაციები უფასოდ გაეკეთებინათ...

1998 წლის 28 აგვისტო ავადი ალმონდა მამაცი სამხედრო მოსამსახურისა და დირსეული მამულიშვილი...

ასე დაასრულა ქართულ ჯარში მოღვაწეობა ოჯახის, თანასოფლელებისა და სამშობლოს მოყვარულმა უმამაცესმა...

დღემისი კი, უკვე ჭაღარამერეული ფშაველი ქალი - ასმათ ჩოხელიშვილი ძროხებს მწყემსავს...

იზა ჯაჭავაძე

დაუზიხარი საღამო

დიდი ხანი არ არის, რაც საქართველოს მწერალთა კავშირმა კიდევ ერთი ლამაზ და შტამბეჭდავ საღამოს უმასპინძლა და რომელიც პოეტ მითრ ზარიძის შემოქმედებას მიეძღვნა.

კეთილგონიერმა პოეტმა კარგად იცის სიცოცხლის, სიყვარულის, ერთგულების და მეგობრობის ფასი. იგი ბედისწერამ და ნიჭმა დიდ მღოსნებად მოიყვანა, აიარა თავისი ქვეყნის – ქართველი ერის მადლსა და სიყვარულს.

პოეზიის საღამოს, უძღვებოდა პოეტი მიმოზა ცანავა, რომელიც გახსნა მწერალთა კავშირის თანათავმჯდომარემ და თვალსაჩინო პოეტმა მაცვალა გონაშვილმა. მან ისაუბრა ეთერ ზარისძის პოეზიაზე, მის ღირსებებზე, სათნობასა და სიყვარულზე. შტამბეჭდავი სიტყვა წარმოთქვა პოეტმა და რუსთაველის საზოგადოების პრეზიდენტმა დავით შემოქმედელმა.

პოეტის შემოქმედებაზე ისაუბრა კლასიკოსმა მწერალმა

ოცდამეერთე საუკუნის ბრწყინვალე ნოველისტმა, საზოგადო მოღვაწემ, დიდი და მრავალი ტიტულის მფლობელმა, საქართველოს მწერალთა კავშირის თავმჯდომარემ რევაზ მიშველაძემ, რომელმაც განსაკუთრებული სითბოთი ისაუბრა პოეტის შემოქმედებაზე.

მწერალთა კავშირის აუდიტორია დიდი ოვაციით შეხვდა ბრწყინვალე მსახიობის და დიდებული პიროვნების გუჯა ბურდულის გამოხვლას, რომელმაც გულთბილად მიულოცა ეთერ ზარიძეს შემოქმედებითი საღამო და შემდგომი წარმატებები უსურვა.

დაუვიწყარი იყო მწერალთა კავშირის თავმჯდომარის მოადგილის ბადათერ არაბულის სიტყვა, რომელმაც ეთერ ზარიძის შემოქმედებაზე ისაუბრა, მის შესანიშნავ ოჯახზე და მის კეთილ ფესვებზე. შტამბეჭდავი სიტყვა წარმოითქვა პოეტმა დალი ყარაულაშვილმა, რომელმაც სითბო და სიყვარული არ დაიშურა ქალბატონ ეთერისათვის.

ეთერ ზარიძეს ექსპრომტები მიუძღვნეს ქალბატონებმა: ივეტა პავლიაშვილმა, ნანა დარჩიაშვილმა, ეთერ აფაქიძემ, ზურაბ მამულაშვილმა, გურამ ჭავჭავაძემ და იამზე არველიძემ.

ეთერ ზარიძემ საკუთარი ლექსები წაიკითხა და მადლობა გადაუხადა ქალბატონ მაცვალა გონაშვილს, რომელიც ამ საღამოს თოსანი გახლდა.

დასასრულს მიმოზა ცანავამ წაიკითხა ეთერ ზარიძისადმი მიძღვნილი ექსპრომტი.



იმეტა პავლიაშვილი

გამოსავერი – გაეხითიანებაა!

საქართველოს პროფესიული კავშირების გაერთიანების ქალთა კომიტეტისა და არასამთავრობო ორგანიზაცია „კონსტიტუციის 42-ე მუხლის“ (თავმჯდომარე ნინო ქაჯიძე) ორგანიზებით აშშ-ს საერთაშორისო განვითარების სააგენტოს (USAID)-ის მხარდაჭერით განხორციელებული პროექტის „გენდერული თანასწორობის ხელშეწყობა სამუშაო ადგილებზე“ ფარგლებში ჩატარდა სემინარი.

რა არის გენდერული თანასწორობა, გენდერული თანასწორობის არსი. ამ მართლაც აქტუალურ საკითხებზე ამომ-



წურავად ისაუბრა არასამთავრობო ორგანიზაცია „პარტნიორობა ადამიანის უფლებებისთვის“ წარმომადგენელმა ანა აბაშიძემ.

ადამიანის უფლებების შესახებ მიმოხილვა წარმოადგინა არასამთავრობო ორგანიზაცია „კონსტიტუციის 42-ე მუხლის“ წარმომადგენელმა, ანაგაზრდა ოურისტმა გიორგი ვაჩაძემ.

ქალთა და მათ შორის დასაქმებულ ქალთა მდგომარეობაზე და ამ კუთხით არსებულ საკანონმდებლო ზარვეებზე, შრომის კოდექსისა და საქართველოს კანონის – საჯარო სამსახურის შესახებ მოთხოვნების მიხედვით დასაქმებულ ქალთა არათანაბარ მდგომარეობაზე, შრომის საერთაშორისო ორგანიზაციის 183-ე კონვენციის „დედობის დაცვის“ რატიფიცირების აუცილებლობაზე ისაუბრა გაერთიანების თავმჯდომარის მოადგილე ეთერ მათურელმა.

ძალიან ხშირად კანონით მინიჭებული უფლებების არ ცოდნა პრობლემებს უქმნის დასაქმებულ, ან დასაქმების მძიებელ ქალებს. პროფესიულ კავშირებთან და ადამიანის უფლებების დამცველ არასამთავრობო ორგანიზაციებთან თანამშრომლობა და მათი ინიციატივების მხარდაჭერა მოგვცემს შესაძლებლობას, სწორად წარმოვაჩინოთ ჩვენი საქმიანობა, ვისწავლოთ ჩვენი უფლებების დაცვა. აღნიშნული კი საშუალებას მოგვცემს შევძლოთ როგორც ჩვენი, ისე სხვისი უფლებების დაცვა. „ვიმედოვნებ, რომ არსებული პრობლემის გადაწყვეტის განხორციელება უახლოეს მომავალში დაიწყება, რომლის საწყისიც შრომის საერთაშორისო ორგანიზაციის 183-ე კონვენციის „დე-



დობის დაცვის შესახებ“ რატიფიცირება და შრომის კოდექსში ცვლილებების მე-2 ეტაპის დაჩქარება იქნება“ – აღნიშნა ეთერ მათურელმა.

სემინარის მონაწილენი მივიდნენ იმ დასკვნამდე, რომ გამოსავალი საკუთარი უფლებების ცოდნაში, სამართლიანობის აღდგენაში, პროფესიული კავშირების გაძლიერებასა და სოლიდარობაშია!

გავერთიანდეთ, იქნება სოლიდარობა, ყველაფერი გამოვა!..

ციციწო ბაბუციძე

«მერა... რო ჩამოღბა თოვანი»...



ზამთარში ჩვენთან სამი კაცი დაოჯახდა, რაც იმის იმედს გვაძლევს, რო ხევსურეთს გადავჩენებთ არ

უწერავ, „კოლონიალ“ უფრო მეტს მოეყვანას ცოლი!

P.S. ხევსურეთში იტყვიან: სიკვდილს აღარა ეშველებს, თორე დანარჩენს ყველას მოეველებათ. საქართველოში მთლიანად მოვევლება ალბათ ყველაფერს, ურთიერთთანადგომითა და თანაგრძნობით, მთისა და ბარის, სოფლისა და ქალაქის ერთობით... და გაზაფხულის მოსვლით...

2004 წელი.

იზა!

მე რომ შემეძლოს ცხოვრების ხელახლა დაწყება, სხვანაირად გავიზავებოდი, „თუმცა კი წერა-მწერალი, თავისას მაინც გაიტანს, ეს გული მარტოდ შეინილი, ტკივილებს ვეღარ აიტანს“ – ეს 2006 წელს დაწერილი სტრიქონები, ჩემი ლექსებიდან არის.

ტკივილი მიწებდაკარგული სამშობლოსი, ტკივილი ნახევრადდაცლილი ხევსურეთისა, სხვათა ტკივილი – გაჭირვებული ხალხისა, რომელთაც უნდა მიეშველო, მაგრამ არა ხარ ისე

დედა-შვილს ნინო და ბიორბი პავლიაშვილებს დიდი სიყვარულით ვულოცავთ დაბადების დღეს, დღეგრძელობა მრავალჟამიერ!.. დიანა გიგიაძე და მისი მეგობრები

ძლიერი, რომ ეს შეიძლო...

თუმცა ხანდახან სისხარულებიც გამოერევა ზოლმე ჩემს ცხოვრებაში – ჩვენი სპორტსმენების და ხელოვანების გამარჯვებები მსოფლიო არენაზე, კარგი ლექსის, ან კარგი მოთხრობის, სტატიის წაკითხვა, კარგი ადამიანის გაცნობა. ადამიანი ხომ ყოველთვის წინა პლანზე დგას. ჩემში, ადამიანი თავისი სიძლიერით, სისუსტით, სილამაზით, ნიჭიერებით, უნიჭობითაც, რადგან იგი ღვთის-შვილია, – ადამიანია!

და კიდევ... იმედი მასულდგმულებს, მომავლის რწმენა, მომავალი თაობის, ლამაზი გოგო – ბიჭების მოსვლა, ჩვენზე ძლიერი და სულღიერებით მდიდარი თაობის დაზრდა.


„თქვენ რომ გიყურებთ, მემატება ძალი და ღონე, ასე მგონია მეც ხარი ვარ და ისიც – ლომა!“ (შ. ნიშნიანის „ხარი“.)

... და ვფიქრობ ჩემი იზა, არც ისე დაკარგული ვარ, მძისწული ვარ „უსუპისი“ – კიდევ რაღაცის გაკეთება შემეძლია, შემეძლია მოვასისთვის გვერდში დგომა, უმცროსისთვის სწორ გზაზე დადგომის სწავლება, ადამიანების გაფორმება, წაქეულისთვის ხელის გავწვდენა, გაძლიერება სოფლისა, თითოეული ოჯახისა...

სამსახურიც ასეთი მაქვს, პირაქეთა ხევსურეთის გამგებელი (რწმუნებული) ვარ და რაიც ხელით ბერკეტები მაქვს, ამისათვის არ დავზოგავ არაფერს, და თუ დასჭირდა სამშობლოს, სხვა რამესაც „ვიქმ“ (ქაღილი არ მჩვევია, მაგრამ შენთან შემეძლია ამაზე ლაპარაკი, ვიცი – გამიგებ) და ვიცი, მჯერა, რომ ჩვენი გზა მართალია, ღირსეული, და გამარჯვებამდე მიგვიყვანს – „ვიღირსებაო ლუხუმსა, ლამარის გორზე შადგომა“.

... ეღირსების!..

ბოზი ჭინჭარაული 4. XII 2011წელი. ბარისხო.



გაზეთ „კავკასიის“ მთავარი რედაქტორი – იზა ჯაჭვაძე, რედაქტორი – ლაშავიორი კრავიშვილი, სარედაქციო კოლეგიის წევრები: დიანა გიგიაძე, ივანე წიკლაური (ჯურნალ ივანე), ჯუმბერ გოგრიტიანი, რეზო კობიაშვილი, გიორგი იჩუაძე, ნუგზარ იდიოძე, ლევან ცალუღელაშვილი, მარინე თეთქოშანიძე, ნატა ბორჩაშვილი, ლეილა არჩმაშვილი, გულო კობიაშვილი, გონა ხარანაული, შზია ხეთაგური, ომარ მარუქაშვილი, გაზეთ „ერუდიტი“ გამომცემელი გონა ღვინიაშვილი, ჟურნალ „ბანაჩას“ გამომცემელი კობა ბედიოძე, დიდი მწუხარებით იუწყებიან, რომ გარდაიცვალა შატბის საჯარო სკოლის დირექტორი, სახელოვანი ოჯახის შვილი, კაი ემა

– შოთა (ბაბრეკა) ჭინჭარაული

და სამხმარს უცხადებენ მეუღლეს, შვილებს, ძმას, სანათესაოს, მეგობრებს და მთელ ხევსურეთს.

დაამფუძნებელი, გამომცემელი და მთავარი რედაქტორი იზა ჯაჭვაძე. რედაქტორი ლაშავიორი კრავიშვილი. სარედაქციო კოლეგია: დიანა გიგიაძე, ივანე წიკლაური, ჯუმბერ გოგრიტიანი, რეზო კობიაშვილი, გიორგი იჩუაძე, ნუგზარ იდიოძე, ლევან ცალუღელაშვილი, მარინე თეთქოშანიძე, ნატა ბორჩაშვილი, ლეილა არჩმაშვილი, გულო კობიაშვილი, გონა ხარანაული, შზია ხეთაგური, ომარ მარუქაშვილი. მისამართი: კოსტავას ქ.№14 ტელ: 599-79-76-13. დაკავშირდით კობა ბედიოძის დასაინტერნეტში www.bedidze.site.ge